



Broj: 05-2864-5/22
Sarajevo, 01.08.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-2864-4/22 od 29.07.2022. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

I

Prihvata se preporuka Komisije za provođenje postupka javne nabavke usluga putničkih Agencija – posredovanje pri nabavci avionskih karata za potrebe Agencije za bankarstvo Federacije BiH iz Zapisnika o pregledu i ocjeni ponuda, broj: 05-2864-4/22 od 29.07.2022. godine i okvirni sporazum za nabavku javnu predmetnih usluga dodjeljuje se ponuđačima: „S Tours“ d.o.o. Sarajevo, „Travel Centar“ d.o.o. Sarajevo i „Merak Travel“ d.o.o. Sarajevo.

II

Ukupna vrijednost okvirnog sporazuma iz tačke I. ove odluke, bez uračunatog poreza na dodanu vrijednost (PDV) iznosi 45.000,00 KM, što sa uračunatim PDV-om iznosi 52.650,00 KM.

III

Po okončanju roka za žalbu, ugovorni organ će s izabranim ponuđačima zaključiti okvirni sporazum, na period od jedne godine, kojim će regulisati međusobna prava i obaveze.

IV

Ova Odluka bit će objavljena na internetskoj stranici Agencije za bankarstvo Federacije BiH www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

V

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

O b r a z l o ž e n j e

Odlukom o pokretanju postupka javne nabavke usluga broj: 05-2864/22 od 11.07.2022. godine, odobreno je provođenje postupka javne nabavke usluga putničkih agencija – posredovanje pri nabavci avionskih karata za potrebe Agencije za bankarstvo Federacije BiH. Javna nabavka provedena je putem konkurentskog zahtjeva za dostavu ponuda, a kao kriterij za dodjelu okvirnog sporazuma odabrana je najniža cijena prihvatljive ponude. U skladu sa članom 35. Zakona o javnim nabavkama, Obavještenje o nabavci broj: 3010-7-2-182-3-37/22 objavljeno je na Portalu javnih nabavki (ejn.gov.ba) dana



11.07.2022. godine, uz istovremeno upućivanje poziva za dostavu ponude na adresu tri potencijalna ponuđača.

Posebним Rješenjem ugovornog organa broj: 05-2864-1/22 od 12.07.2022. godine imenovana je Komisija za javne nabavke, kojim su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda broj: 05-2864-4/22 od 29.07.2022. godine u kojem je konstatovano da su po predmetnom postupku nabavke pravovremeno dostavljene 4 (četiri) ponude.

Na osnovu izvršene analize i ocjene dostavljenih ponuda u pogledu kvalifikacijskih i cjenovnih uslova javne nabavke, Komisija je utvrdila:

- da su ponude ponuđača „S Tours“ d.o.o. Sarajevo, „Travel Centar“ d.o.o. Sarajevo, „Merak Travel“ d.o.o. Sarajevo i „Centrotrans“ d.d. Sarajevo kvalifikovane i prihvatljive, te da su dostavljeni svi traženi dokazi propisani tenderskom dokumentacijom, na propisan način.

Komisija za javne nabavke je zakazala e-Aukciju na dan 29.07.2022. godine u 11:00 sati, shodno članu 4. Pravilnika o uslovima i načinu korištenja e-Aukcije („Službeni glasnik BiH“, broj: 66/16) u trajanju od 10 (deset) minuta. U toku održavanja e-Aukcije, nijedan od pozvanih ponuđača nije aktivno sudjelovao, odnosno nije podnosio novu cijenu ili vrijednost, pa su početne vrijednosti ponuda ostale nepromijenjene. Konačno rangiranje ponuda nakon provedene e-Aukcije daje se u sljedećoj tabeli:

Redni broj	Ponuđač	Ukupna cijena, bez PDV-a
1.	„S-Tours“ d.o.o. Sarajevo	400,00 KM *
2.	„Travel Centar“ d.o.o. Sarajevo	450,00 KM *
3.	„Merak Travel“ d.o.o. Sarajevo	500,00 KM *
4.	„Centrotrans“ d.d. Sarajevo	2.500,00 KM *

***Napomena:**

Ukupna ponuđena cijena predmetnih usluga tj. ukupna cijena bez PDV-a (s uračunatim popustom) primjenjivat će se u svrhu postizanja usporedivosti ponuda, odnosno njihovog vrednovanja za potrebe odabira najpovoljnijeg ponuđača, a okvirni sporazum se zaključuje na vrijednost predviđenu tenderskom dokumentacijom.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalifikovanosti navedenih ponuđača te pregled i ocjenu ponuda, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju vidljivo je da su izabrani ponuđači najbolje ocijenjeni na osnovu zadanih kvalifikacijskih i cjenovnih uslova javne nabavke, pa je Komisija dala preporuku da se istim,



Zmaja od Bosne 47b,
71000 Sarajevo,
Bosnia and Herzegovina



P ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



AGENCIJA ZA BANKARSTVO
FEDERACIJE BOSNE I HERCEGOVINE
BANKING AGENCY OF THE FEDERATION
OF BOSNIA AND HERZEGOVINA

saglasno članu 69. stav (1) tačka a) Zakona o javnim nabavkama, dodijeli okvirni sporazum u predmetnom postupku javne nabavke usluga.

Uvažavajući sve navedeno, primjenom člana 64. stav (1) tačka b), člana 70. stavovi (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

- učesnicima u postupku;
- a.a.


DIREKTOR
Jasmin Mahmuzić